

Morning Regional Dogri News Bulletin, 04th October 2024

मार्निंग डोगरी न्यूज़ बुलेटिन, समें. 09-20 Hrs



Headlines

1. जम्मू कश्मीर च विधानसभा चुनां दे त्रीए गेड़ च कुल 63.88 फीसद मतदान दर्ज कीता गेआ। 69.69 फीसद मर्द मतदाताएं वोट पाने दे अपने अधिकार दा इस्तेमाल कीता जिसलै कि महिलाएं दे मतदान दी फीसद 70.02 रेई।
2. विधानसभा चुनाएं दे रमानदारी कन्नै सम्पन्न होने मगरा प्रशासन 8 अक्तूबर गी होने आली वोटें दी गिनतरी आले कम्मं लेई तैआरियां करा'रदा ऐ।
3. 15 कोर दे जीओसी लैफिटनेंट जनरल राजीव घई होरें आखेआ जे कश्मीर च शांति बनाई रखन। सुरक्षाबलें लेई सब्बने थमां बड्डी चुनौती ऐ। 9 कोर दे जीओसी होरें गी बनी-बिलावर सेक्टर दी सुरक्षा स्थिति दा जायजा लैता।
4. क्रिकेट खडारी रवि शास्त्री होरें आखेआ जे जम्मू कश्मीर दे युवाएं च बड़ा मता हुनर ऐ, लोड़ ऐ इनेंगी मते मौके ते मंच उपलब्ध करोआने दी।



Voting Turnout

जम्मू कश्मीर विधानसभा चुनां दे त्रीए गेड़ च महिला मतदाताएं इक बारी फही मतदाताएं गी पिच्छे छोड़ी दित्ता ते जेह्दे च मंगलवारें पैहली अक्तूबर गी 69.69 फीसद मतदान दर्ज कीता गेआ। भारत दे चुनां आयोग आस्सेआ जारी आंकड़े मताबक जम्मू कश्मीर विधानसभा दे त्रीए गेड़ च 70.2 प्रतिशत महिला मतदाताएं अपने वोट पाए ते 69.37 प्रतिशत मर्दे अपने वोट पाए। त्रीए ते खीरी गेड़ तैह्त तकरीबन 63.88 प्रतिशत मतदान दर्ज कीता गेआ ऐ। त्रीए गेड़ च सब्बने थमां मता मतदान मढ(एससी) विधानसभा हल्के च दर्ज कीता गेआ जित्थें तकरीबन 81.47 मतदान दर्ज कीता गेआ, एह्दे मगरा छम्ब च 80.34 प्रतिशत मतदान होआ। 40 विधानसभा हल्के चा सब्बने शा घट्ट मतदान सोपोर निर्वाचन हल्के जेह्दे च 45.32 प्रतिशत मतदान दर्ज कीता गेआ, एह्दे मगरा बारामुला च 53.90 प्रतिशत मतदान दर्ज कीता गेआ ऐ। जम्मू कश्मीर च 18 सितम्बर 2024 गी शुरू होए दे त्री गेड़ दे विधानसभा चुनां पैहली अक्तूबर गी सम्पन्न होए। वोटें दी गिनतरी 8 अक्तूबर 2024 गी होग।



Counting Arrangements

विधानसभा चुनावों में मतदान करने के लिए अंततः मतदाताओं को खीरी रूप में देखा जाएगा। मतदान के दिन मतदान आला कम्प 8 अक्टूबर को होगा। सरबन्धी जिला चुनावों में मतदान आला के ध्याड़े निगरानी रखने आले सुपरवाइजर, सहायक ते माइक्रो ओबसवर को सिखलाई दित्ती गई। एहदा मुख मकसद अमले को लोडचदी सिखलाई, ज्ञान ते हुनर प्रदान करना हा। मतगणना अगले को सख्त हिदायत दित्ती गई ऐ जे ओह जारी दिशा निर्देश दी सख्ती नै पालमा करन। सिखलाई सत्र दरान मास्टर, ट्रेनरें ते प्रतिभागिणें आस्सेआ पुच्छे गेदे सुआलें दे बी परते दित्ते तां जे मतगणना प्रक्रिया बारे सब्बनें को पूरी ते हर तरीके दी जानकारी रवै।



MCMC Rajouri

मीडिया सरबन्धी प्रमाणपत्र ते निगरान कमेटी राजौरी दे नोडल अफसर होरें जिले दे मीडिया कर्मिणें कन्नै बैठक लाई ते मतदान के दिन लेई अंततः मतदाताओं को खीरी रूप में देखा जाएगा। मतदान के दिन मतदान आला कम्प 8 अक्टूबर को होगा। मीडिया केन्द्र दा मुख मकसद चुनावों के नतीजे बारे ताजा जानकारी ते अधिकारिक घोषणा को समें सिर उपलब्ध करवाना ऐ। इस दरान मीडिया कर्मिणें बी अपने सुझाह दित्ते।



BJP Raina

जम्मू कश्मीर के बीजेपी प्रधान रविन्द्र रैणा होरें कल आखेआ ऐ जे बीजेपी 8 अक्टूबर को इकलौती बड्डी पार्टी दे तौरा पर सामने आंग, जिसलै जम्मू कश्मीर विधानसभा चुनावों के नतीजे सामने आंगन। इक प्रेस वार्ता को संबोधत करदे होई आखेआ ऐ जे पिछले 10 बरें च पहली बारी चुनावें च जम्मू कश्मीर के लोकें दी रिकार्ड च हिस्सेदारी दिक्खी गई ऐ। लोकें दी इन्नी मती भागीदारी एह दशगंदी ऐ जे लोकें प्रधानमंत्री हुंदे बिजन सब का साथ, सबका विकास ते सबका विश्वास पर भरोसा जताया ऐ। रैणा होरें इब्बी आखेआ ऐ जे प्रधानमंत्री, गृहमंत्री ते बीजेपी के शासित मुखमंत्री होरें बड़े पैमाने पर प्रचार कीता तां जे परिणाम अपने हककै च होए।



Nomination MLA

जम्मू कश्मीर च 5 नाकमत विधायक सरकार बनाने च अहम भूमका नभांगन। 10 ब8रे दे वक्फे मगरा जम्मू कश्मीर च चुनी गेदी सरकार बनोग। पर एमएलए कश्मीरी विस्थापिमें ते पीओजेके दा प्रतिनिधित्व करगंन। इनेंगी होरने विधायकें आला लेखा गै हक्क हासल होंगन। विधानसभा च नामजद 6 विधायक होंगन। विधानसभा च हुन कुल 95 विधायक होंगन, जे हुन सरकार बनाने आले 48 यानि 50 फीसद दा आंकड़ा हासल करना जरूरी ऐ। उपराज्यपाल मनोज सिन्हा होर गृहमंत्रालय दी सलाह पर 5 विधायकें गी नामजद करगंन। जम्मू कश्मीर पुर्नगठन अधिनियम 2019 च 26 जुलाई 2023 च संशोधन करियै नामजद विधायक सदस्यें दा प्रावधान आन्नेआ गेआ हा।



Congress MLA

कांग्रेस नै बीजेपी दे इस गेड़ पर सख्त ऐतराज जताया ऐ जे जम्मू कश्मीर च सरकार बनाने दी प्रक्रिया थमां पैहले उपराज्यपाल हुंदे आस्सेआ अपने 5एं लीडरें गी विधानसभा च नामांकित कीता जाग। कांग्रेस नै इस चाल्ली दे कुसै बी गैह गी गैर लोकतांत्रिक ते लोकें दे जनादेश दे खलाफ आखेआ ऐ। उनें आखेआ ऐ जे उपराज्यपाल होर कुसै बी इस चाल्ली दी गैह नेई पुट्टन। इस सरबंधै च मीडिया दी रिपोर्ट उप्पर सख्त नुक्ताचीनी करदे होई जेकेपीसीसी नै इस चाल्ली दी प्रतिक्रिया गी गैर लोकतांत्रिक करार दित्ता ते आखेआ जेह्डी लोकें दे फ़ैसले गी हराने दी कोशश ऐ। जेकेपीसीसी नै वरिष्ठ उप-अध्यक्ष ते मुख्ख प्रवक्ता रविन्दर शर्मा होरें आखेआ ऐ जे विधानसभाप च 5एं मिंबरें गी नामांकित करने दा अधिकार ओह होना लोड़चदा जेह्डी नमीं सरकार बनियै सामने आवै। नेई तां एह लोकें दे फ़ैसले गी हराने दी कोशश होग।



GOC 15 Corps

श्रीनगर अधारित सेना दी 15 कोर दे जीओसी लैफ्टिनेंट जनरल राजीव घई होरें आखेआ जे कश्मीर च पिछले किश ब'रें दरान सुरक्षा स्थिति बेहतर होई ऐ ते सुरक्षा अजेसिएं लेई सब्बने थमां बड्डी चुनौती स्थिति गी रमानदारी आली बनाई रखना ऐ। उनें आखेआ जे कश्मीर च आतंकवाद हुन अपने खीरले गेड़ च ऐ ते कुल 80 आतंकवादी सक्रिय न, जेह्दे च विदेशी आतंकवादिएं दी गिनतरी 25-40 ऐ। इक प्रेस कांफ्रेंस गी संबोधत करदे होई 15 कोर दे जीओसी होरें आखेआ जे खित्ते च स्थिति खरी ऐ। लैफ्टिनेंट जनरल घई होर अगली नमीं पोस्टिंग आस्तै जा'रदे न। लैफ्टिनेंट जनरल प्रशांत श्रीवास्तवा होर उंदी थाहर लैंगन। एह्दे थमां पैहले अपने संबोधन च जीओसी होरें आखेआ जे पिछले इक-डेढ ब'रे घुसपैठ दियां केई सारिया कोशशां होइयां, जिने गी नाकाम बनाया गेआ।



GOC 9 Corps

कठुआ-उधमपुर जिले दे पहाड़ी इलाकें च आतंकवादी घटनाएं गी दिक्खदे होई 9 कोर दे जीओसी होरें बन ीते बिलावर सेक्टर च व्यापक जायजा लैता ते तैआरियां निरीक्षण कीता। रक्षा प्रवक्ता मूजब इत्थें बड़ी मती चौकसी ते सतर्कता बरतने पर जोर पाया गेआ ऐ। 2 दहाके दे मगरा जम्मू खित्ते दे इस इलाके च आतंकवादी गतिविधियां बधियां न। कठुआ, उधमपुर ते डोडा दे इलाके च आतंकवादी वारदाताएं च बाद्धा होआ ऐ। इस दरान जीओसी होरें बलें कन्ने गल्लबात कीती ते निगरानी सरबंधी सरिस्ते ते होरने सरबंधी चीजें बारे जानकारी हासल कीती। उनें बड़ी मती भौगोलिक बन्न-सबन्नता ते होर दडुएं चुनौतिएं दे बावजूद बलें आस्सेआ कीती जा'रदी कारवाइएं ते उंदे पेशेवराना रवैये दी सराहना कीती। राइसिंग स्टार कोर जम्मू सांबा ते कठुआ जिले दी सुरक्षा दी जिम्मेदारी ऐ। इस कोर नै 29 सितम्बर गी आतंकवादी दा सफाया करने च महत्वै आली भूमका नभाई ही। इस कारवाइ च पुलस हैड कांस्टेबल बी शहीद होइ गेआ हा।



Ravi Shastri Cricket

दिग्गज क्रिकेटर ते भारत दे साबका हैउ कोच रवि शास्त्री होरें आखेआ ऐ जे जम्मू कश्मीर दे युवाएं च बड़ा मता हुनर ऐ। रवि शास्त्री होर कल जम्मू दे मोलाना आजाद स्टेडियम च शुरू होई दी लीजेंड लीग क्रिकेट आस्तै इत्थें आए दे हे। अपने दौरे दरान उनें पिछली जम्मू दी 1987 आली अपनी यात्रा गी चेता कीता जिसलै उनें श्रीनगर च आस्ट्रेलिया खलाफ अंतर्राष्ट्रीय मैच खेड्डेआ हा। उनें इक बारी फही इत्थें औने पर अपना उत्साह जताया ते जम्मू कश्मीर च क्रिकेट दी क्षमता बारे गल्ल कीती ते आखेआ जे इत्थें दे युवा खडारिएं च बड़ा मता हुनर ऐ, बस इंदे हुनर गी बाहर कड्डने दी लोड़ ऐ।



Poonch Child

पुंछ दे डिप्टी कमीशनर विकास कुंडल होरें कल कुड़िएं दी दिक्ख-रिक्ख लेई बनाए गेदे इदारे दा दौरा लाया ते उत्थें बच्चें गी दित्ती जा'रदी सहूलतें दा जायजा लैता। इसलै इत्थें 38 कुड़ियां रवा'रदियां न। इस दोरे दा मकसद इनें गी दितती जा'रदी सेवाएं ते सुविधाएं दा पूरा पराता जायजा लैना हां कुंडल होरें इदारे दा व्यापक जायजा लैता ते हर सुविधा ते लोड़चदे म्यार दा आंकलन कीता। उनें खाने पीने सरबंधी सूचि, पोषकता सरबंधी म्यार ते साफ सफाई पर जोर पाया। उनें पुंछ दे समाज कल्याण अफसर होरें गी मौके पर गै हिदायतां दित्तियां जे ओह खाने ते शिक्षा संसाधनें दे म्यार गी होर बेहतर करन।



Commissioner JMC

जम्मू नगर निगम दे कमीशनर डॉ. देवांश यादव होरें कल पवित्र नरातें दरान श्रद्धालुएं लेई कीते गेदे इंतजामें दा जायजा लैने आस्तै बावे आली माता दे मंदर बहू किले दा दौरा लाया। दौरे दरान डॉ. यादव होरें बक्ख-बक्ख सुविधाएं दा मुआयना कीता जिंदे च साफ-सफाई, बिजली ते पानी दी सप्लाई दे अलावा होर मती सारी सुविधाएं दा जायजा लैता तां जे श्रद्धालुएं गी सब्बै लोड़चदी सुविधां उपलब्ध होई सकन। उनें मंदर दे स्टाफ ते मकामी अधिकारिणं कन्नै रलियै श्रद्धालुएं लेई होरने अनियादी सेवाएं दी उपलब्धता दे इलावा सेहत ते साफ सफाई जनेह् मुद्दें पर चर्चा कीती। श्रद्धालुएं गी कुसै बी चाल्ली दी असुविधा दा सामना नेई करना पवै।

